

叢書集成三編 第六七冊目錄

文學類



神異小說

聞見異辭二卷·····	清	許秋垞撰	筆記小說	〇六七	〇〇一
閱微草堂廿四卷·····	清	紀昀著	清代筆記	〇六七	〇一九
螢窗異草四卷續八卷·····	清	長白浩歌子撰	筆記小說	〇六七	一七九
鏡下閒談二卷·····		不著撰人	宋元人說	〇六七	三一五
西遊補十六回附續補雜記·····	清	董說著	說庫	〇六七	三二九

情艷小說


浮生六記四卷·····	清	沈復著	說庫	〇六七	三六七
-------------	---	-----	----	-----	-----

談諧小說

諧噱錄一卷·····	唐	朱揆纂	說庫	〇六七	三八七
諧鐸十二卷·····	清	沈起鳳著	清代筆記	〇六七	三九三
笑笑錄六卷·····	清	獨逸窩退士撰	筆記小說	〇六七	四四七
夜航船八卷·····	清	破額山人撰	筆記小說	〇六七	五三三

故事

蒼曝偶談一卷·····	明	顧元慶著	說庫	〇六七	五八三
千百年眼十二卷·····	清	張和仲撰	筆記小說	〇六七	五九一



聞
見
異
辭



清許秋垞撰



聞見異辭

聞見異辭提要

是書為海昌許秋垞所撰。凡見聞奇
奇怪，惟隨筆纂錄，不為尋常蹊徑所特
異者。每篇皆綴七言絕一首，撮其大旨
包括無遺。神在個中，音餘絃外。倘亦所
謂類上添花，栩栩欲活者耶。太筆記小
說中別開生面之作。

序

夫世之觸龍語而怯走龍角，而心驚者，彼蓋界限六凡，而聞寡於賦，破識拘一孔
而見圓於霧區，識不足發宙合之奧，扁而抉圖書之秘府也。表紳大許君秋垞履誼
善，擅塵譚，忘疲摘洛鈞，河伸舒風研易理，言精書為叔重，不讓經神，摺既繁，篇頁
斯富，所著珠盤，駢記蝶夢，綠仙綠，延慶笑林，雜說諸書，嘯葉梨花，千言競吐，焚膏研
露，十手爭鈔，固已有棟宇充無極，不釐尤復，驅詞心儉，夸目尚奢，悟塵塵念，念之因
圖，恠恠奇奇之狀，綜其聞見，標以異辭，澄墨成雲，奇峰忽擁，翻瀾做吻，別派同探，燭
定燃犀，恍鬼笑靈護之交，接詞非祭禩，索搜神述異，而翻新若秋垞者，其今世之谷
神子乎。顧博引者，或荒誕而不經，錯舉者，每紛運而鮮，要逞毫端之狡，猶博笑口之
胡盧，無謂虞箴，徒嗤齋語，而是編則雷同，羞學月旦，精參讀徐度，却掃之編，蓋是當
頭棒喝，檢公稱過庭之錄，尤為座右箴銘，洵乎刮目之金鏡，振聵之木鐸已。垣自慙
儉，腹快誦新辭，佩鴻筆之攝文，付齋生而作序，竊謂風葩五色，非徒寸羽，凌霄龍握
三珠，不第片鱗耀日，他日者，出其泰古鏗今之論，以纂石渠天祿之書，摘異標新，洽
聞彈見，則是編其猶半壁而未觀全規一斑而未窺全豹也。時

聞見異辭

序

一

道光二十六年歲次丙午仲春

賜進士出身翰林院庶吉士加一級武原表內弟沈炳垣拜撰

自序

從來論道者恒守夫常述事者每於夫異異固快人心目駭人見聞也無論夢卜黃龍氣占赤鳥瑞飛宋野龍觀鄭淵且易標載鬼之奇詩者履武之兆垂於經者猶難盡刪矧屬小言乎所以齊諧湯問不少奇譚諸事陳軼事輝南華之妙諦想東方之騰解愈出愈奇日增日幻而述異遠追任昉志異近邇松齡光怪陸離窮形盡相可以為俾官補其闕為淺見廓其規然余所謂異者不必盡牛鬼蛇神耳即大小懸殊語言調笑均得目之為異昔纂琵琶演義一書托言釋道猶未能備溯厥開繼編珠盤駢記二冊僅免差差猶未能擴其所見余余隨得隨鈔舉凡宇宙間形形色色恠恠奇奇既資於親朋納之入尤資於筆硯導之出用是述古人之異繼以近來之異談遠方之異參以同里之異誌目中之異益以夢境之異其事雖殊其所稱異者一也非敢擬袁簡齋之新齋語紀晚嵐之樂場銷夏錄以謝傲詭靈奇特欲仿伯祖夢椽公瓜廬記異四卷所謂補談資昭勸懲消炎暑居斗室以犁許田遺聞情以却睡魔而已名其編曰聞見異辭正欲前之異無敢忘以莫後之異復有所觸也是為序

聞見異辭

自序

歲次重光赤奮若添線節錄約居士識於自有樂齋

聞見異辭目次

卷一

望神鎮鬼

古盆

古印

龍圖斷獄

墨雨

狐入皇宮

梨實盆

千少保驅鬼

大頭鬼

長人

食輝生神力

紅紗罩眼

獻魚寶金

桃花女鬥法

翠鳳

妖術

二寸人

大蚌

小猴

陰差

奇門

虎銜稻

梓里四異

仙草

聞見異辭

目次

煉丹

城隍服飾

李氏佳話

山裂

汪狀元詳夢

鬼搶錢頭

俠客

紙枷禁姓

靈泉井

焚册獲報

大蜈蚣

積善驅鬼

絹人書畫

賈文思

出蛟

妖術

一錢致富

韋狀顯聖

卷二

鬼墜城隍

王孝廉幻術

自明僧坐化

吉穴

易舟免溺

西湖烏龍現形

粵省異跡

然神畏易失義

金錢豹

文引孫行者

井園驚虎

斷蛇復續

吳郡神醫

虎珀靈異

拾蛋得銀

朱道人試法

茅山學法

買盡得珠

拾瓶得銀

義牛

梓里名醫

見鬼定案

孤女望月

月下現鬼

孤女迷人

智慧星

題照三易

救慈投軍

蛛食蜈蚣

捫蝨新談

驚入鬼園

文昌閣祈夢

聞笛動情

集四書題點戲

假鬼試情

返魂奇事

聞見異辭

目錄

二

羞婦

聞見異辭卷之二



塑神鎮鬼

清海昌許秋垞撰述

江南寶蘇局後樓有朱觀以鐵練懸梁間相傳春秋時吳太宰嚭之女至今越數千
年棺仍不朽斯亦奇矣陰雨之日每見樓窗間有女子倚窗俯視神情飛越願盼
自如甚至中房時時現形習以為常一夕局內工人與梨園子弟賭博示以黑夜上
樓靜坐一宵警遂青蚊三十貫淨曰敢即於是夕扮作單刀赴宴模樣一個赤面綠
袍一個黑臉持刀而立候至三四更西北角倏走出一女郎躡躑步到二人前育下
拜之象赤面淨示云將來勿許再到此聞鬼領之而退樓上因塑漢壽季侯以鎮壓
從此歛迹不敢復在中樓梳裏矣

古盆

不信梨園幻術多竟將漏網補闕烟花隊裏餘魘願借神通去伏魔

沈公義衣莊有銅盆二作純青色鄉人以為瓦盆易碎銅盆可久遂出二千錢買之
適有販賣客物色之易以白銀二千兩渠又轉售於吳市得銀六千兩據云春秋時
聞見異辭

之歛血盆也

古印

鬼魂神呵幾歷年得增聲價亦前緣清風明月無今古更有何人出一錢
余畫友胡春渠游經鄉村見童子手一印市糖胡借觀見有龜文背鐫金絲遂出
三百青錢得之後至武康攜以自隨語小虹橋古董店主人見之再三請曰如肯割
愛願以八千文易之胡欣然許諾詢以何代物據云漢時之關內侯印也
陸離古色燦生光漢學秦彝費品量英道兒童不解事銀青金紫本尋常

龍圖斷獄

宋時有秀才張某因赴試道經南山下被強徒十數人攔阻人并行李搶劫上山其
綠林魁本係英雄因渠父被奸雄陷害曾為寇自稱南山大王見張狀貌英挺欲招
作東床生不允遂拘縛於後園樹旁以待其意回時會值北山大王招宴其女聞而
窺之頓悟心意謂看到蓮花恰如即馳張思受之風塵無多讓也因遣婢贈玻璃盞
淨瓶盞二寶此盞撒酒於盞即喧音樂笙歌遂私放張去又路經北山亦被擒上山
適南山大王答宴其女因步月到園偷看張郎私謂婢曰鳳鞋鴛襪解徑幾次留痕

今北園輪仿兩願儂雖非在氏萬悔汝何妨暫學紅娘俾良宵月下。不惹玉人花影之思也。亦贈珍珠塔一函并訂終身。復選龍駒馬一匹釋放騎去。將來英雄兒女相會。幾錯認白馬將軍在座也。一路逃回。投宿楊樓飯店。二更時。忽聞聲音嘹亮。節奏調和。因私視之。只見毫光射目。恰從塔頂生。傾起伴勒香。醜。醜。醜。醜。夜分以繩套頸。立時謀害。埋于後園。揚以獻實得官人。莫知覺。執知千里馬望州雲而。蹀足竟識長途。跑到包龍圖街內。似有乞憐之狀。即飭張龍趙虎尾馬到店。蹀蹀至埋屍處始停。二役取起屍首。回衙報命。比龍圖驗屍。面色如生。將溫涼帽。瘡肉尺。放在屍上。頃刻還陽。張據情直說。即折東招楊赴宴。龍圖陪坐。時密令張生擊鼓。許寬收了狀紙。一鞠。即除楊拯冠帶。先斬後奏。楊某官職。即命張生瓜代。割寬後指日加官。山上梁魁奉旨招降。并以二女配張。丈人峯早殷景仰也。想包公立朝剛毅。笑比黃河。童童。婦女亦知其名。京師為之語曰。關節不到。有閻羅包老。鐵面鏡心。清正名聲。從此不朽千古矣。

墨雨

一世情恨兩世魔。愛河忽地泛風波。銷金帳裏橫陳夜。憶否前生有折磨。

聞見異辭

卷一

二

天仙府聖朱宏佑公。像曾傳神現和尚身。往各鄉募建。別郡信士。慨助白金。運木而來者亦夥。故廟貌巍峨。里人有九埭十三殿之稱。後屆大年。里民禱。願慶宏佑公。因上天取水。聞閻已扁。但見玉案設一大研。神人染指。墨池取水三彈。因下黑雨三日。禾苗之稿者。得復蘇。廟宇倏被火災。神即在雲中顯聖。似有烏龍舞空。頃刻珠點亂跳。火遂熄。僅剩三埭。雲中現形。人彷彿見之。至上天取水情形。此係里人夢應也。

我閱花溪志。廟宇類知人神化木之事。及聞災祥一編。亦云黑雨如墨。其即此事亦未可知。

寸草曾形丈六身。一天花雨亦通神。從知點滴揚枝水。不但慈雲解護人。

狐入皇宮

元季有宰相某。獨坐廳事。東燭閣卷。漏三下。倏有女即至前。公正色叱云。何處妖魔。膽敢入署。女然答曰。僕寔是狐。無害於公。意欲通覽六宮。慈明公藏之袍袖。帶入金門。則威佩無涯矣。何敢獻媚。公諾之。即變作小貓入袖。同往至午朝門。袖中倏變比宰臣朝回。渠已先在宅中。據云公將入門。瞥見有赤面孩袍神。發一霹靂。幾至相

軀故借土遁。潛逃越兩月。狐復來。仍帶入金門。回來不見。此狐至三日。始衛齊謝。愚見公以皇宮已遊。通矣。雖月殿。豈不是過也。公語云。同一入門。何昔難而今易耶。狐曰。因百神出去。參新主。矣。宰相知時。將果。華。五掛冠。一門卒。免於兵。懸。孤之力也。

椒房桂壁。認重閣。聽罷龍龍。講至尊。莫道側身無處是。須知袖裏有乾坤。

聚寶盆
明洪武時有沈萬三者。家有古盆。以金銀貯之。隨取隨盈。生生不已。錫以嘉名。即所謂聚寶盆也。比魏明帝時之嗽金鳥。飼以珍珠。飲以申腦。吐金屑如粟者。不尤易耶。後因南京水城門下水。怪為祟。太祖命取寶盆鎮之。從此波浪不興矣。

于少保驅鬼
前明于忠肅公未過時。性酷嗜賭。一夜五更時分。散局獨回。途遇二豎。負包拿疾。行于兩手持之。不使脫。二豎苦求于曰。汝何結伴夜行。答曰。我輩係喪門帶客。二豎因某家上梁。值我是以前去。相持良久。俟時過。乃逸之。去于見至其家。問何人。選曰。答

云。西席于。因求見。結以上。梁吉時。須選葉。後黃道。君素何。不避凶。星。答曰。有文曲星可解。于由是發憤。下帷。竟科甲。聯登。官至少保云。

曾瞻廟貌聖湖濱。畫棟雕梁氣象新。太息兩朝完少保。岳家父子是比鄰。

大頭鬼
于公為諸生時。嘗八月中旬三更時。乘月如廁。寂莫無聊。口占詩一句云。三更半夜三更半。沉吟之際。忽見地下鑽起一鬼頭。如拷拷大。答云。八月中。秋。八月中。于以手摩其頂云。小鬼好大膽。鬼答曰。相爺好大膽。夫。巨。武。示。形。大。厲。有。夢。譁。語。咄。咄。古。來。不。少。神。奇。特。于。公。屢。遇。不。驚。則。說。鬼。直。似。東。坡。而。多。膽。不。讓。于。龍。矣。

秋宵風物太凄迷。信口詩成信手題。曾讀阮瞻無鬼論。不須鑄鼎與燃犀。

長人
查東山先生有族叔某。喜夜遊。其父母諭禁之。一夕讀書至夜半。意興寂寥。適二老已睡。於是趁月獨行。出門約里許。倏見長人。近前約一丈五六尺。俯首問曰。刺下米價若何。渠因疾走歸家。從此不夜行矣。

炊罷黃粱事。米珠新桂尚疑猜。從知萬鬼秋墳唱。只望清明麥飯來。

食神生神力

破石鎮民家有畜鴨於河每晚檢之輒少其一以為乞兒偷匿勿足怪也後吳六奇至破聞而異之隨聲鴨所之至夕陽西下瞥見水紋旋起一潭鴨隨潭影而滅次日吳以一繩繫鴨影復隨手收繩釣起巨鱈一條烹食之過體奇瘳令人以竹棒日擊百過血出方止半月後頓生神力能敵萬夫後投軍待功官至提督此食神之驗也

紅紗單眼

漢陽熊公伯龍順治己丑科榜眼素有文名試浙江時途過一羽流仙風道骨所謂雙眸朗暢四氣和平長江月影太華松聲真有滿酒出處之概條以眼鏡相贈頗明淨能欣然受納用以閱文此科題目吾十有五全章主考意欲提重學字內有諸生讀過吾十有五一節竟直動下知累為難題而已熊大合意拔置榜首居然冠千佛名經榜後道士復來對熊曰明公玉尺量才鑿術不爽刻下目眇已無用想可作合浦珠耶公擲還後覆看所中之文大不快意然悔之已無及蓋文章自古無憑不聞見異辭

卷一

四

必詞題黃緝不必詩籠碧紗暗中若得朱衣點頭雖主考素著文名未有不紅紗單眼也

文章光燄燭天奇

卻笑着花宿露披我眼久將雲水洗此生誓不受人欺

獻魚賞金

年羹堯為杭州城旦時西湖漁夫日以鮮魚獻每獻一尾則賞金且一顯豈門號湧金而得金若斯之易耶余嘗應試赴杭憶夫柳烟銷綠桃浪泛紅每動酒美魚肥之想又際桂子香初槐花黃後復抱尊羹鱸膾之恩因招二三同人棹至五柳居前登樓小酌不禁彈狹興懷魚味却是勝常其價較他肆亦昂數倍想開當日獻魚得金之風故生奇念亦未可知

西湖風物有餘清

魚膾喧傳五柳名安得豪門知好客一時供養到侯鯖

桃花文翻法

周某與桃花女得異人傳授均有法術有鄉人得罪于周欲謀害此人彼自知不能挽回因叩求術女曰明日某山第七株竹內有雄蜂飛出變虎食人女明午切勿出門應曰唯唯周靜候數日不見鄉人知術女道破遂嗔恨於心即邀媒誑女欲娶

為婦女亦不却比為吉期桃花女命老嫗四人穿紅衣執箭并箭兼藏寶鏡以辟妖魔否則周家門限盡變飛蛇也新婦之知周翁令阿郎變蜂採花以破此法而新婦已張蛛網待之蜂入洞房竟被蛛絲所縛周之技遂窮異哉有此夫婿既難比周郎之顧曲復不同劉郎之尋春呼姊差同桃葉戀像勝換桃符彼蜜官金翼使觀此桃花人而焉能不為新婦束縛耶近日迎娶用錦杖以當箭箭子內用小鏡以辟邪殆本此意歟

翠鳳

料得神通狡獪同雄風翻不敵雌風床頭莫道溫柔甚怕有桃花生命宮

翠鳳

卷一

五

江西賈生名迎龍丰姿秀雅美如冠玉因家貧未娶常夜讀至三更口占一聯云吹管何時能叶鳳添香良夜伴迎龍如是者數月時當七月初忽意外隱有人聲側耳諦聽但聞四句云中草人未必能久問君何各宜勿開口始也不解既而思之已悟此意蓋字謎云七人頭上一根草係花字草人不久祇存七字又兼名字無口定是七夕因於初七閉戶候之坐至夜半果見一女即入戶紅袖綠衣丰姿娟秀自云奴係太虛仙子小字翠鳳蒙君夜夜吟感特來伴讀以破琴瑟生疑是仙妹不敢

翠鳳

卷一

五

襄狎翠鳳乃回眸含笑假青盼以傳其情生始暱之就枕後香氣襲人玉貌雪肌膩滑瑩潔魚水之懽不可言狀逾兩月杳然不至賈伏枕沉思恍惚之際又見綠衣女入門笑謂生曰妾係鳳仙花神感君時時灌溉後因天降甘露得成人形用報君惠近被凌虛亭龍丈君子聘迎不能再暱情願迎龍曰可挽回否翠鳳曰龍丈君子乃是夢境遂嘆曰鳳兮鳳兮使我不能息念天明起視見几有畫圖一幅遺墨珠一顆展觀之見有七絕題于上云丹青下筆早傳神誰識圖中活美人若得呼卿三四次今宵定與玉郎親迎龍至夜半依詩度讀果見美人突至鳳泊鸞窠形容窈窕自稱如意妹次年賈生領鄉薦連南宮先是迎龍殿試策中有來乾御字象蓮龍飛治華明時文占虎變等語虎字誤為作驢因以此珠成之得無誤後復一久復夢見翠鳳云即君功名已得日後自有佳偶圖畫明珠恐為造物所忌非人間所宜常玩况君將位尊多金安用此為妾從此永訣矣雖鳴鶯醒起來過尋二寶俱滅迹後賈畫工繪鳳仙一枝于扇頭因填如畫令以寫詞曰彼美恩情誠少七夕予懷堪表今夜憶花卿惆悵芳魂杳杳難了難了一縷幽思香長書于繪卷秘不示人一日追

思慮憂。惟扇臨風用以自怡。有友突如其來。友細詢之。始陳頗末。故得其詳如此。從來作歡喜佛在溫柔鄉。偶然一面之緣。每作三生之塊。巧夕相逢。花真解語。良宵親暱。草履合歡。踏踏獨來。行行且止。不必羨紫呼婢子。且無愁蕉當美人。余觀聊齋志異。有荷花娘子。牡丹花神。玉體香肌。諸如此類。又何疑翠鳳乎。花樣精神。玉樣身巧。將詩句歸良姻。風流若擬聊齋筆。青鳳而今有替人。

妖術

宋術士向在勞山學法。以賣卜惑人。某郎諸生因赴鄉試。詣肆求決科名。宋索重謝。生不允。宋遂憤恨。迨夜生坐燈前觀易。忽聞戶外風旋。舉帷而入。見一個鬼。怪手持利刃。向生劈來。以易經擲下。鬼遂仆地。拾起視之。乃紙人也。俄又一怪飛來。仍擲易。立時墜下。至四更。來一女性。亦執白刃。生三次擲書。共拾起紙人三個。二男一女。從此絕跡。比明朝街巷傳說。術士家中。一夜連死三人。係二子一女。相聞術士剪紙為人。托兒女生魂。以試法。紙人不返。則魂氣難歸。欲害人適以害己。可為貪得昧良者戒。區區小術。其可恃耶。

飛茵飛瀾。不分明。有客橋頭賞品。悟得文章閣福命。升沉何事問君平。

二寸人

某士常坐庚申。其初兩月一舉。數年以後。夜夜箕踞靜坐。如老僧入定。一般二日時。閉。萬慮俱寂。俾三彭氏不能整。響天。豐功行既深。有二寸人從頂中出。門外之事。不問自知。一夕壽數將盡。彼先知之。走出一小人。躲入三世佛耳中。見無常鬼來。彼即閉目。靜觀鬼去。而目仍開。幾次免過。竟成地仙。

嘗聞出鼻腫人。不及豆大。登几蠶性。僅盈寸餘。疑眸皓齒。談道論經。且不滿二寸。矣。眇眇小子。不與插中奕。更並顯其奇耶。

大蚌

吏部橋向稱雷婆橋。昔禾城吳吏部遷居此地。橋因此名。下有一蚌。約入尺長。時浮水面。謀利之徒。於夏天入水。摸起。剖之。得珠數升。最大不過如黃豆。其光閃爍。識者寶之。先是吏部少時。見漁人持一尺長蚌。前來。吳異其大。出十兩錢買之。放入水中。然此蚌揚起後。吳宅漸衰。雖係微物。亦關氣數也。聽說靈光孕水。隄風哀。今古有怪胎。名殊名宦高聲價。只換珍珠十斛來。

小猴

廣東產墨猴。長約三寸。愈小愈貴。購一頭。須值十數金。平時藏入筆筒。至作字時。取出。抱墨盤。旋旋。俟墨滿。乃止。寫畢。以舌舐墨。硯田可終年不洗。出入自如。與銀管。薄。虛呼吸。若相應者。然此種猴。不能多得。人有詩一首。前蓋友自粵省回。里曾為子誦之。詩曰。紙墨無須洗。猴吞不藉魚。龍茲三寸許。常在筆筒居。

陰差

商人某。歸途遇二役。途中苦寂。與談頗相得。及入旅舍。視役所需。悉出已資。供之日。晡呼渡。同舟。偷瞞帳上名姓。與已相同。不覺愕然。私念。李賀病作。卒見人持一板書。若太古篆。白天上。白玉樓。成召君為記。天上差樂。不苦也。頃之。氣絕。復無乃。類此。役見客沉吟。不語。因云。我輩定係冥差。知足下壽數將終。但帳內數十名。須半月可捉完。時日先後。畧可効力。君速回家料理後事可也。客聞之。不覺心灰。一路回來。却中有夫婦大罵。詢其定情。據云。債負二十金。無力歸償。將妻賣。妻不忍。故作此態。商人傾囊。約二三十金。意謂人有飛蚊。同命鳥。可不折散。因債數給付。抵家。照差言。

聞見異辭

辨。候至半月。忽見二差。來笑容可掬。轉躬為賀。云。冥王知汝近作善事。增壽兩紀。特來報喜。言畢。俄而滅迹。有此奇聞。則於照鬼簿上。少一名。即於搜神記中。增一說也。

奇門

武原楊某。熟于奇門。一夕示家人曰。今夜門戶不須鎖閉。雖有偷兒。不能盜物。祇將板棧。八條橫在門內。明晨視之。果見一賊。從棧上行。走不幾。詰其故。據云。我見牆門大開。因闖入門內。不料重山疊嶂。走了一夜。不完十分辛苦。今既中計。知網魚已獲。井蛙莫逃。倘蒙開一錢。普改正於將來。決不再行干咎。遂釋之。以後楊家外戶不閉。賊竟不敢入。

虎術福

洞開重門。任所之。箇中消息。有誰知。漢家丞相。快王業。想見祁山六出時。

苦提寺前約數畝。田中禾稻。將登。虎來啣稻者。再四。鷄鷄。殘糧。竟為虎口。餘糧。倉村。中小兒。被傷于田間者。又數十人。鄉里。患之一日。兩山旁。見一大潭。有一虎。墜于此。

谷虎患遠滅先是海上乘船月光下人見一獸跳入柴中又云有黃猿人趁船前來傳聞不一

餅餅香風繞四圍不堪盤踞爪牙揮他學得咆哮性多少豪奴要假威

梓里四異

余聞梓里伯祖各編異跡定策不勝枚舉今特節錄數端在天則有聲如履二十夜月圓如望日在地則出白毛數尺某墳三日內出石笋丈餘在人有一胎而產四女孫龐各舉千斤在物有剖瓜得篋竹狗食人天地人物各顯其奇統以四異括之瓜廬畢妙竟如仙異蹟搜羅近百年拈得退之山石句數行已括二申編

仙草

同里有董氏兄弟採薪為業每在石人灣憩息一日兄至此處倏而腹中大痛倒于石邊弟即歸家喚嫂前來痛哭不已正倉皇間見石人上忽有一顆細草墜下係金碧色搗汁灌下香氣芬敷立時甦醒力氣較前更大後出外從軍竟以武弁得官人因悟食仙草之力也

三生石上證靈根見得奇香便返魂願借琪花瑤草力勳名真箇立乾坤

聞見異辭

卷一

八

煉丹

煉丹須兩人一坐樹上一坐籬邊督看然非膽量絕大之人不能也某甲慕神仙事訪友半年至某郡遇一勇士有數百人圍住爭鬪聲色不驚比眾人雲散拱手告曰足下真英雄也某在深山煉丹督看無人如能同往丹成後願謝白金五百某一諾無辭於是同赴山中督煉示以切勿開口夜分兩目甫閉忽見一虎在前舞爪張牙渠若無規踰時而去俄夜又鬼怪紛紛形狀兇惡怒目相視不言如故倏又見絕色少艾笑臉相迎百般媚惑彼總不言遂飄然匿迹俄又雷聲猛烈霹靂交加金光射目雷神青面鳥形將他提在空中毫光萬道恍恍迷離彼仍不語迨雲開聲絕天色欲暝俄見無常近前長帽白衣披髮吐舌目中流血執一牌書速拿二字將魂靈勾去泉路茫茫勾到森羅殿上見牛頭馬面環列兩旁中坐黑臉閻王展卷一閱拍案大叱曰汝在陽間以力欺人被汝暗傷性命者不少速喚藍面鬼卒扛一鼎至高約五六尺用炭火燒紅將他一擲擲在鼎中化作一片青烟嗣後到轉輪殿上但覺身體忽輕豁目審顧知已忽為嬰兒却是女身前世事多記得總不開聲啼哭父母以啜故不甚珍惜一切衣食照量給付已而出嫁即君惑于迷龍踰年復有一男貌頗

清秀甫及三歲妻子衣服典質殆盡既又索妻衣仍置不答但見夫婿大怒力提嬰兒向地擲下至此情不自禁一聲長嘆恍如夢覺開眼視之仍坐在籬側煉丹者告曰汝若再耐一息丹可立成諸般惡狀此乃魔神纏擾耳足下一嘆尚未能斬斷情根籬內之丹已化為青烟矣吾於是益知煉丹之難成也

黃梁夢醒丹藥烟消若能斬絕情根萬慮俱寂終守括囊將白日飛昇已過巖穴矣煉丹一術豈若是之易易哉

擬將日月駐壺中慧劍揮來萬慮空祇有情由割又長始知兜女不英雄

城隍服飾

武原廟前張氏向開錢莊一日失去錢券數紙舖中人互相誦讓幾至冤誣因詣廟各誓于神前有四五人同宿廟中以候速驗至第三夜子分紅燈將燈條見窗外人行過頭戴繡帽此時業已立夏知神明亦隨時更換衣服不必盡紗帽紅袍也不數日案果破

勁裝古服煥規模冠帶還隨物候殊試問吾曹窮席帽不知花樣入時無

李氏佳話

聞見異辭

卷一

九

江右李春湖少司空前任浙江學政其先世某公因失館歸肩負包囊踽踽獨行古人所吟床頭黃金盡壯士無顏色不免與旅藉行路難之嘆矣歸途遇相者諦視之曰昔袁天罡相李焉則曰君夜中睡則氣從耳出名龜息必貴我觀尊容刻雖貧不久可卜巨富并有結婚之兆可知李氏代有奇相非貴則富理有固然李私念枝棲未穩既已生塵焉能驟致陶朱之富耶沉吟緩步倏見樹林陰翳中有尼寺在焉甫過庵門前樓適以盆水潑下濕同杏雨露衣因步履踉蹌四顧彷徨無一語尼心抱不安乃將戶延入徐問姓氏知是萍踪無定窮途欲哭之人夕陽西匿無處棲身因留一宿尼曰我自全刀剪髮以來禪心恪守不盡蛾眉然觀君氣度冲和定可轉困為亨如蒙垂青不屏諸三姑之例以佛面相看願贈白金二百苟富貴毋相忘李欣諾抵家將優婆塞所贈之銀販賣木棉設肆未久適有客載花千餘包售于李家渠以乏本却之客曰俸係某姓某字今朝不要現鈔但須寫一約票合銀若干俟他販貨回來實取銀可耳嗣後李如數備齊貯候三年不見客回益客係綠林某魁業于他省破業處決李持籌握算不數載致大富乃納尼為姬以踐前約後李氏布置一園亭閣上鐵網遍張任數百鸚鵡翠羽競飛來去自如洵堪悅目不徒調舌弄

好音也詩曰求爾新特又曰誠不以富亦祇以異其殆李氏之謂與

山裂

乾隆壬午年七月十三亭午俗俱循接亡例以楮帛祭先方香烟裊裊紙灰飛揚時忽然珠點亂跳頃刻奔洪漫淫階除而波塘俱滿村里驚惶不知水自何來再退後見至牛頭山裂出一洞其大如箕鄉人傳說十三已刻見是山先起一片黑雲俄而密布亂風瀑布橫流雪浪頓飛千丈蓋其由來漸矣

汪狀元詳夢

秀水商人某之嗣曾詣育嬰堂領一螟蛉此子至中年家頗賔惟常以不知年庚為憂因祈夢于嘉興元妙觀後令仙祠即洪武時協律都尉冷謙也地頗幽寂禱甚靈夢仙子以一桃梅告之曰爾須問同邑某殿撰便能推詳斯時汪公雲登名如洋猶諸生也適途過此人索解示云桃梅木兆木在天干始甲桃開時斗柄建辰應三月核亦係木字拆開木字是十八定是甲辰三月十八亥時生後汪公果于乾隆間見其詳

卷一

十

庚子科魁天下始悟子平之推不妄也

鬼搶錢頭

別有神機暗裏知于公祠與今仙祠分明參得符符旨不是癡人說夢時
武原張氏有僕某雙眸能視鬼物同主人赴揚州任所一夕隨署中人看五關蓋會見眾鬼紛紛奪食內一鬼搶同伴手中錢頭其人固不自知僕云師爺恐不久矣蓋人視鬼但見一團黑氣故不分明鬼視人但見一片紅光故不敢近若搶手內食物陽氣少而陰氣勝固代為慮之越一月某果棄世

俠客

漫說先生運已衰此中與古悟輪迴公門賓客知多少半是前身做鬼來
河南某縣有五通神為某民家通合香之久每另有新郎入房相沿已久人莫能禁有一俠客神劍術通赴感及喜筵條見庭心內陡起旋風知妖至客手劍隱于屏後見一物從簷端飛下頓變人形將入門飛劍斫去有馬頭落地俄又來一物急斬之是豕精以復民家迎娶怪物竟絕

一泓秋水血模糊畢竟英雄膽氣應那得徐夫人七首發明先去試登徒

紙糊某姓

武原有百可園昔鄭端簡公少時在園內讀書每晨聞蛙聲聞閣不停鄭厭其喧因戲剪紙糊擲于空中云加以示某次晨果寂然無聲公之師某夜夢綠衣即一羣荷校跪求願轉乞鄭大人開釋夢覺起問公告以夢兆公云弟子惡淫蛙之擾亂神明想戲不為慮不料公慶慶書矜小子已於先生黑甜鄉中作乞憐之狀然柳雖可惡究不容在此園亂鳴也於是蛙鼓不聞鄭後官至尚書夫以羣蛙之聒耳樂之者以當兩部鼓吹何耶

靈泉井

蕉雨荷風處士廬耳邊清韻樂何如池塘鼓吹君休聽只許鄰雞和詩書
同里顧氏有一井每值旱年翠瓶者愈多水仍不淺里中賴以滋溉者不少一夕有隣童在井旁漫溺泉竟涸此家度祀井前童子水復盈人故稱為靈泉井也
心如皆井不生波愧我才情窘若何安得神靈呵護力生花口吻似懸河

焚册復報

福建林長君在臬司署掌文書吏曾有反寇滋事平定後有名册一本大半畏勢屈
聞見異辭 卷一 上

從非真有叛逆心也林勝册時不忍玉石俱焚巧生一計禱告天地神祇放火延燒以此滅迹萬民之身家遂保官廉得其情心竊慕之竟以造册神倦失火被災其樹亦不完後某即有曠室甚微因鬼怪白晝現形人不敢居林買之價極廉入宅第一夜林見黑面人語云小卒奉五路財神密旨守此空宅久矣公既至行當交代稟請天井中青石板下藏銀數缸皆石家物也君有大陰功子孫科甲當世世不斷至今聞省有無林不開榜之謠知天之報施善人固不爽爾

大蜈蚣

雪盡沉冤察覆盆祖龍一炬亦深恩如何有容誇刀筆絕不商量到子孫
昔武原百可園某先生于中秋夜飲過醉至睡始睡時約三更醒聞窗外有大食聲餘聲不絕因披襟視之但見一條大蜈蚣約八尺許背如烏金色足長如蒼行地上竅竅有聲即掩窗而卧詰旦觀唾處滑于鏡面矣張雲舫茂才為予言此
饒腸但藉唾餘充土飯塵羹乞醉翁有客慣將牙慧檢合呼他作可憐蟲

讀書驅鬼

前明祝槐門先生名世喬為諸生時嗜山居嘗篝燈夜讀月明星稀四顧無人童子

未必無緣。雖蒙寵議。容俟歸告。嚴君再當報命。日哺抵家。將解裝。訂婚事。為雙親直
陳願未。迨夕陽西下。忽聞剝啄聲。不絕。啟戶視之。即是流民夫婦。擁一女子。年十八
九。丰姿雅淡。嬌態難掩。第云。叩夫妻日事奔走。正如流水行雲。萍踪無定。倘以小女
結秦晉之婚。始願遂矣。言畢。即去。女來。踰月。謂金夫云。瞬息三旬。奴察君家作為真
忠厚門弟。今而後始安心。為婦矣。雖異鄉不啻同堂。但勸君弗依人。為妾。須自謀生
涯。方是上策。夫云。素無錙銖。何女即秘攜履。解鳳頭鞋。攜頭襪。出示。纏臂金一隻。并
探抹胸帶。結上真珠一串。曰。以此易銀貨。殖有資矣。夫自得資。發德貿易。數年。竟大
富。於是挈眷往河南。謁岳見。彫牆峻宇。華麗非凡。外父母欣然。延入。一望。丰采脫盡
風雲。窮途之概矣。時以唱戲設筵。相款。盤桓匝月。辭歸。蓋金鎔之富。總由得金珠所
致。如此。阿嬌雖量明珠以換。鑄金屋以藏。可也。迴思一錢之惠。雖其細已甚。然劉龍
選一錢而著清。廉既罕留一錢而免羞。溢且隨主命。益一錢以上。皆棄市。郝子投一
錢于井而飲水。即說部如諧。亦有因借一錢而落職者。是金郎之以一錢發報也。
揮塵清談。不覺齒頰流芳矣。

聞見異辭

卷一

十四

嘉興錢氏有一境。在武原。羣賦。是錢君與廟僧品。奕從未見。勝自請。某堪輿見
葬地。據云。相子午針上。鍾靈毓秀。當在廟基。一日。與僧賦。基因乘間言之。僧曰。不
難。只須今日。奕恭得勝。願以雙廟為誓。議定後。子聲丁。息心對局。僧果輸錢一着。
以前議不可更。遂遷改廟。為寔安事。經營伊始。廟內羣賦。神扛之如山。屹立不動。迨
錢君奕香。默禱。誓不遠。遂始。遂其願。余嘗過其地。見波流縱判東西。而古剎與佳城。
祇一水之隔。自卜牛眠以來。咫尺間。廟貌重新。迄今歷四五世。針陽古道。不慮危穴。
與鹿觸者。徒以有護法神在耳。父老傳聞已久。及詢于密妹。堪輿。數典弗忘。其祖知此
事。果信而有徵矣。

爭得樵枰一着先。梵王宮裏卜牛眠。漫將方術誇青鳥。知有心田作福田。

聞見異辭卷之一終

聞見異辭卷之二

鬼陞城隍

清 海昌許秋垞撰述

湖廣長沙鮑玉衡。向以捕魚為業。舟泊雙楓浦。時斜陽一抹。酒獨酌。先斟一杯于
河。然後自飲。久之。水上修浮起一人。謂曰。余作波臣久矣。承君夜夜賜飲。無以為報。
特驅大魚一羣。至某潭。奉酬君惠。俾免彈鋒。盤桓月餘。鮑老與溺鬼。竟為莫逆交。鬼
對鮑云。明日有婦人作替身。次日果見婦來淘米。無恙而去。至夜鬼復來。詢其故。答
以婦方懷孕。遂之是傷二命也。明朝當有戴鐵帽人作替身。次日適陰雨。人因以鑊
子。項在頭上。當傘。足染污泥。復洗足而去。夜又問。故答此人。係獨子。故取明。晚有中
年人作替身。比次。仍見有人挑水而去。又詢其實情。答曰。渠上有老母。下有幼
孩。余弗忍也。一夕。溺鬼面帶笑容。對玉衡曰。吾因三次讓入冥王。以吾有大陰功。某
處城隍缺職。吾將攝之。行當與君別。漁翁移舟前。見其地。新塑城隍像。晚之。彷彿
河鬼儀容。鬚眉活現。人謂靈蹟頗多云。

聞見異辭

卷二

秀州王仲瞿。孝廉名。向有幻術。一夕。袁太史簡齋設筵。王適在座。與酣。以舞劍為
戲。王欲窺家器。故將五色琉璃燈。撞破。袁吝惜之色。不覺流露眉間。王曰。僕聞
素君好士。持以此相試耳。何竟以區區之物。介意耶。於是極平生之技。渾脫頓挫。自
內。連外。劍氣上衝。如白虹一連。數百。蓋琉璃燈一特粉碎。舞畢。狂笑而去。數年。忽
無病卒。其後嗣。因奔家。屍不殮。俄而屍躍。然曰。汝等嗜財如此。致同室
操戈。何不念仁親。為賢。然出門。棄家為汗漫。遊久。竟不返。噫。廣寒宮高。不可攀。
蓬萊島遠。難遍訪。茫茫湖海。何處覓孝廉船耶。

自明僧坐化
吾里崇教寺僧自明。頗有清修名。里民有李廷照。嘗以捨火取鳥。僧每苦勸之。不聽。
李反以熱湯潑僧。僧不覺苦。圓寂前一日。凡平時熟識者。輒往辭別。比次日。諸客接
踵。至見僧在殿場。以一裹線香。燒着。其踏案上。香爐。遂燒其體。霎時坐化。烟頂現出
和尚原形。飄然而去。同里有貴者。自富陽回。途過此僧。記其至寺。轉致小沙彌。意外

王孝廉幻術

晒僧鞋一雙。箱中碎銀一包。須一一收拾。遇見之日。即坐化。次晨。小和尚照言尋覓。果符。我考。晉佛圖澄。妙通元術。善誦神咒。能使鬼神。腹旁有一孔。夜光。照室。至取鉢。盛水。燒香。咒之。須臾。盆中生青蓮花。自明神通。定不亞於。澄。惜當年無人。試其術。耳。此乾隆年間事。其徒。孫。曾。為。予。言之。

若輩真同鬼域。流名山。占盡。託清修。本來佛法。荒唐甚。何況。無知。似禿鷲。

吉穴

吳縣潘長公。好善。樂施。歷久不倦。除夕。有偷兒。入匿暗室。潘君。檢點門戶。猝不及避。視之。識是隣人。某。以嗜賭。故計窮。而至。公。因給銀十兩。導以好言。勸習經營。某得銀。後改邪為正。設小肆。家漸以裕。後潘公。免葬地。一時。難得吉穴。尋至某處。見是好風水。有文筆。峯環抱。恰與子午針相對。分寸不差。探問地主。即隣人某也。因出價易之。渠感前恩。不較值。後哲嗣。芝軒先生。果中乾隆。癸丑。科狀元。及第。登相位。雖係人傑地靈。未始非累積陰功所致也。

迫到饑寒。亦可哀。竊鈎竊國。漫相猜。請看。衣袋。登場者。尚要黃金暮夜來。

易舟免溺

聞見異辭

卷二

二

族兄。學能壯時。偶從黃坭。堰看村。窳薄。歸。趁一舟。已有七人。舟於半里。通過隣船。丁三元。推蓬招允云。汝舟中容太多。我舟人少。盍過我船。稍適意。兄因跨丁舟。復行里許。倏起黑風。船簸揚不停。舵師失色。俄頃。見前面舟覆。即是始趁之船。七人均溺死。兄年踰古稀。精神猶矍鑠。享壽竟至八旬。可知乘風鼓浪。死生自有定數。况倚短不齊。將頌如山。而添仙鶴之壽。何致咏覆舟。而啣精衛之石耶。

同舟李郭。話網罟。春水三篙。漲綠油。不是風波。生頃刻。本來天地。等浮漚。

西湖烏龍現形

杭城葉西餘。余。赴試。僑寓主人也。試後。無事。與談西湖。龍船會。緣。追叙。轍事。據云。乾隆時。有巨商。携得烟火。幾架。在西湖。玩放。湖心。搭一高臺。置舫。環繞。不下千萬。放至雙龍。搶珠。映入波中。光芒。射目。加以。鉦鼓。喧天。笙歌。鼎沸。所集之龍。臨風。動搖。波中。鱗而亦。盪漾。不停。更有。火彈。明如。皓月。硫黃。宛若。驪珠。忽見。黑龍。頓起。波浪。滔天。有真龍。蜿蜒。而上。蓋龍。皆在下。錯認。火龍。入水。意欲。格鬥。騰空。一躍。溺死。生靈。甚夥。比火熄。風定。浪靜。波恬。覆舟。不計其數。蓋人巧。原奪。天工。不必。觀門。湖而。流元。黃之血。但覺。游龍。掉尾。致。嘖。精衛。含冤。悲夫。

燭天燈火。近雷峯。競渡。瑞陽。舉吏。激恰。笑葉。公。同。內。眼。好。龍。未必。好。真。龍。

粵省異跡

廣東。巡撫。署。前。有。磚。圍。牆。洋。商。曾。置。拆。毀。願。以。銀。照。樣。奉。傳。聞。牆。下。有。寶。洋。人。目。窺。地。下。可。至。三。尺。深。又。殺。人。犯。之。處。下。有。血。鬻。成。精。願。以。銀。廿。萬。以。易。此。地。中。丞。恐。破。風。水。均。不。准。

波斯。探。寶。說。紛。紛。劍。氣。珠。光。暗。裏。分。我有。如。其。兩。青。眼。要。從。大。地。看。奇。文。

煞神畏易失火

浙省。風俗。人。死。則。有。迎。煞。故事。由。甲。己。子。午。速。推。十八。日。縮。至。九。日。而。止。早。一。時。羽。士。設。召。亡。者。床。前。及。靈。座。桌。下。均。飾。爐。灰。召。後。倏。印。烏。跡。究。同。鴻。爪。雪。泥。尚。不。至。如。羅。刹。鳥。之。食。人。眼。也。故。不。避。亦。無。妨。害。惟。徽。州。熱。氣。俗。呼。出。殃。里。中。人。死。早。數。日。立。一。旗。以。令。人。知。雖。子。婦。親。戚。無。不。迴。避。有。巨。族。迎。煞。某。先生。膽。素。壯。至。期。將。雙。扉。虛。掩。從。門。隙。窺。之。至。日。晡。陰。風。颯。颯。毛。骨。悚。然。見。一。藍。面。鬼。赤。髮。鬚。奮。碧。眼。鈴。圓。手持。鐵。叉。進。來。隨。手。擲。下。鏗。然。有。聲。泊。入。內。室。先生。啟。戶。取。必。移。置。門。內。復。局。戶。移。椅。相。靠。又。撤。易。經。一。部。於。縫。間。仍。舊。從。隙。中。視。之。條。風。聲。又。起。然。復。出。來。見。其。鬼。又。不。得。凶。猛。形。容。甚。於。金。剛。怒。目。睽。睽。遍。視。跳。躍。盤。旋。漸。次。聲。絕。見。亦。髮。神。跟。隨。走。又。倏。不見。俯。視。地。上。僅。存。一。柄。紙。叉。嗣。後。此。家。煞。神。竟。不。敢。來。

聞見異辭

卷二

三

練得丹心。鎮太虛。已教。魍。魎。技。無。餘。首。得。參。羅。幾。經。秘。有。鬼。何。妨。載。一。車。

金錢豹

寺。浜。內。職。思。堂。沈。係。余。舅。氏。家。廳。側。有。平。屋。三。間。庭。前。植。喬。松。一。株。狀。盤。曲。如。虬。龍。故。齋。額。即。顏。之。曰。卧。松。軒。憶。乾隆。年。間。月。下。有。獸。跳。下。狀。如。小。鹿。遍。體。毛。似。錢。俗。呼。金。錢。豹。向。月。而。嘯。盤。旋。良。久。復。一。躍。上。松。梢。從。梢。頂。越。去。此。豹。不。隱。霧。而。嘯。月。安。知。峯。環。九。九。不。為。南。山。之。變。種。耶。其。後。沈。亦。無。他。

把臂。何。人。肯。入。林。龍。鱗。種。得。已。成。陰。巖。阿。近。日。多。充。隱。莫。向。南。山。霧。裏。尋。

大引猴行者

一。士。子。應。鄉。試。主。考。係。世。交。往。計。關。而。雖。不。却。但。云。破。題。內。須。談。猴。行。者。方。可。中。式。至。初。九。黎明。首。題。係。龜。龜。乎。唯。天。為。大。唯。死。則。之。出。題。後。於。號。板。而。寫。數。十。箇。猴。行。者。疑。思。不。就。遂。嘆。天。乎。天。子。今。日。雖。擅。補。天。之。術。欲。使。天。衣。無。縫。不。可。得。矣。隔。號。聞。之。細。詢。其。故。某。以。實。對。彼。則。曰。迂。哉。子。也。猴。行。者。誰。能。敵。于。破。題。乎。某。猶。不。信。曰。請。

參一解答曰：猿乃宋世嘉賓，嵌在破題乃破格題名。正許爾副鹿野承筐之選，一時為彼所給，彼竟觸機得之。破云：極擬唐帝之德，大聖齊天矣。揭曉果中，蓋孫悟空曾嫌弼馬溫官小，自封齊天大聖，可知看西遊記者，亦有裨于科名矣。因此而步蟾宮，洵可捧登科記，頂戴曰：此千佛名經也。

井圍斃虎

里之南鄉，嚮有虎患。夕陽西下，須結伴同行，以竹槍防護。晚隆時，村民家砌井圍於牆內，以便吠犬出入。是夜虎入此圍，項不能出力，拔之泥牆，遽地虎被壓死。何必取謹舉山之劫，律草掘汁，淬竹刺之，始能制虎也耶。

斷蛇復續

武原通園鎮有尹醫，一日寂坐，忽前瞥見樹上一蛇墜下，跌作兩段。尹盼蛇涎至曠野街，一顆草吐涎粘于斷處，兩相湊合。踰時接牢，乃蛇涎而去。後尹採此醫人屢試屢驗，草雖不必表嘉，然此諸藥籠中之續斷，更微效如神也。而尹接骨之名自此傳。

吳印神醫

誰將靈藥搃元霜，瑤草琪花鬱異香。我欲求醫醫未得，十年前已斷柔腸。

姑蘇葉天士有神醫之目。一日轎過某門，聞哭聲甚哀，詢之居人，知有孕婦甫死，猶未蓋棺也。葉聞然入，將屍身諦視一過，告其家人云：人固未死也。遂以一針向胸刺入，婦漸甦醒，腹中兒亦隨下。人詰其故，答曰：此乃抱心生也。針着孩手，因痛而手鬆，胎始得下。謝以白金，不受。但索棺蓋去作幌子。人遂知葉有回生之術。余謂杏林生意，與蓮座慈悲一樣濟世也。天醫之聲名從此不朽。

琥珀靈異

花園里祝氏向藏琥珀一枚，每於日中窺之，見內有一蟻盤旋，數十年來歷久如故。究不知何以能入其中。或曰：琥珀生在松下，能安魂定魄，當凝結時，蟻入其內，至堅固靈氣所鍾，蟻亦得以長生。有似乎壺中九華，蝸角蠻觸者。然琥珀藏蟻，與蟻穿九曲珠更異矣。曾有士人吟一絕云：珠穿九曲此如何，松下鍾靈歲月多。旋磨形容同。

不學無須夢境話南柯

學書學劍兩無成，蟻門繞閣意便驚。尚有長安避冷客，南柯夢裏說功名。

拾得銀

海昌周副觀察中，有馮某，畜鷹鴨於墳，沅春江水鴨綠映鴨頭，馮於日暮，每至墓旁拾取，摩挲一日，見有卵數顆，却嵌在洞中。深半尺許，掘之，土泥俱黏，暫見有大鐔埋下。揭蓋視之，盡是白銀。馮某返家密約其弟至墳扛去，頓發千金。家遂小康。悔不浮生老釣徒，一羣野鷺幻飛蟻。詩人不厭酸寒氣，但畫蘆塘放鴨圖。

朱道人試法

姑蘇有朱道人，精符咒，所謂丹鳳翔金鼎，蒼龍戲玉池。六甲風雷一壺天地變化直，俄頃間耳。一夕張天師權至太湖，天氣晴朗，倏起罡風，船隨波上下，顛泊異常。真人將令牌一拍，召值日神駕雲來訪。其時元妙觀朱道人，偶仿杯水芥舟之樣，戲以竹葉為舟，浮在水碗，手捻筆管吹水，不佞一葉扁舟，盤旋不已。神在雲中，視之回來，粟云：是朱煉師試法。天師即遣神費名片擲下。道人見之，呼吸遂停。真人坐舟，亦覺風平浪靜矣。

茅山學法

不必舟楫十八灘，人情容易起狂瀾。神仙亦怕風波險，始信中流砥柱難。

山東臨清人蘇甲，住茅山學法，住至月餘，有老嫗私謂之曰：汝若再住數日，性命危矣。蘇屈膝求救，嫗云：庵中人多以杖術攝人魂，夜夜畫符念咒，上應星宿，聞四十九天魂出，不可救矣。汝席下紅絲線二條，是憑據也。世有棒柳神，能以舌凶語人，即是生魂所托。汝明晨取線藏在褲內，頭戴鐵鏡，速逃可以免禍。并捉雄雞一隻，取小刀一柄，倘歸途聞釜上響聲，即將雞刺死置釜。比蘇下山後，妖道即放飛刀追殺。及第二刀飛回，已染血跡，乃刺死之雞也。禍始免。左道旁門，本干例禁。蘇某留此，餘生可為世間或邪術者戒。

願列門牆亦太穢

願列門牆亦太穢，吞刀嚼火有餘師。如何線脚分明在，不是人間續命絲。

買畫得珠

廣東合浦人陳濟川，家極貧，至歲暮益不聊生。妻以嫁衣使買庫度歲，歸途過少年攜一代圖，欲換青蚨，陳出千文買之。至家妻詰曰：寶險不給，汝祖宗且不免類若教之殺矣。猶欲替他人作子孫耶。因隨子奪來，猛擲於地，跌去畫軸，却是玉環，深出珍。

珠十二顆大與桂圓相仿。陳售于賈客。竟得萬金。蓋少年先人本巨富。珠嵌軸中。原為後計。固不期其以此易錢也。聞合浦生珠。入水撈取者不少。惟中有大蚌。嘉慶年間。有水鬼跳下。探珠蚌噴湧時。呼吸之間。發一張人即死。波中惟泛血水而已。得珠亦豈易易哉。

畫裏明珠信手拈。當年想見蓋藏嚴。冠裳綉綉欄鬚扇。古一貫青蚨價太廉。

拾瓶得銀

洞溪馬氏。邑中富室也。先世某。本清貧。一日以妻將分娩。夜半出門。邀收生婆回。行次足蹴一瓶。以為此物可藏胞拾之。覺甚重。諦視之。瓶內盡是白銀。後藏銀作資。家漸裕。不三世富遂甲一邑云。

牀頭準備聽呱呱。喜見遺金滿地鋪。救得此生寒乞相。鳳皇何日却將雛。

義牛

同里有估客自富陽回。據云道經義牛塚。詢之土人。知前有牧童放牛食草。條而風生。虎出有噬人之狀。正跳躍間。童子伏牛腹下。牛以角觸虎。虎遂斃。後牛死。厚瘞之。樹以碑曰義牛塚。觀於此。則詩咏牛羊。非字一言。誠信而有徵矣。

聞見異辭

卷二

六

飲犢真須到上流。橫吹短笛思悠悠。諸君但解同安樂。我欲逃名去牧牛。

梓里名醫

比隣金尚濤先生。昆仲二人。究心岐黃家言。治小兒痘症。尤能起死回生。宅中種橘。鑿井。真如蘇氏之橘井。流傳濟人。不淺。曾有富家謝參一兩。以刀切之。不斲。比燉熟。一嚼。知有金針在內。每條抽出若干。恰好打作耳團。因此遠近聞名。阮若臺中丞曾延治危症。症愈。酬以銀并贈功。匹良相扁鵲。諸應事。以垂不朽名。

探秋青囊技絕倫。果然觸手便成春。先生自是嚴三點。可惜金針不度人。

見鬼定案

山東清平縣署。玉刑名者。為舉。夢德係四川江津人。時有謀奸傷命一案。意欲改作和奸。減輕罪名。以寓好生之意。猶豫未決。時樓方三下鼓。更夫過房外。折聲。修止。明日詰其故。答云。見房外有紅衣女鬼。故不敢聲。畢。察喚僮兒。買一套女衣。至三更。改扮。立在房外。是夜更夫竟不遇。此房。次晨又問之。答曰。前宵。見一女。昨夜竟有。二女。同立。膽愈怯。而身不敢前。是以避走。師爺。臥房。畢始悟。婦人以名節。為重。操刀。筆之。權者。甚不可。姑息。養奸也。遂照例。申詳。鬼於是。不復現。形矣。

三尺爰書動不真。含冤地下更難伸。而今更覺風趨下。不憤生人憤殺人。

孤女望月

先大父順庵公。宰江南沛邑時。予尚幼。隨侍署中。署後有樓五間。旁二間。素編閉。一日夕陽西匿。明月東升。有婢閒步後樓下。仰見樓窗上倚一婦人。年可十八九。丰姿韶秀。笑靨嫣然。手執烟筒。作呼吸狀。顧盼流光。仰觀皓月。婢始不覺。既而悟。樓上無人。急驚走。訴于同人。有司更者云。此乃孤仙也。我每夜擊柝過此。聞亦過之。但稱以仙。定不作業。若呼為狐。精便拋磚投人。未有不血流至足也。可知出口流瀉。狐且不能忍。而况於人乎。

相思有草潤流酥。三尺金筒任吸呼。近日更誇鴉片好。是狐是鬼兩模糊。

月下現鬼

余在沛署年餘。一夜月明如畫。姬婢無事。廢集樓下。演貂蟬拜月。以為戲。正喧嚷間。倏見門內步出一黑衣。曲背。詭狀甚醜。陋以綳紗包頭。垂下兩角。悉草過窗。龍徑去。至西北角。而滅。陰氣凜凜。月亦慘澹。無光。婢等心甚悼。自此以後。雖過三五良宵。水輪皎潔。不敢再演連環記矣。

聞見異辭

卷二

七

月光如水澹空庭。妖豔偏宜酒半醒。我是司空渾見慣。蛇神牛鬼總忘形。

孤女迷人

表叔沈拱樞。鬚齡時。在方家場某店習費。一人獨卧樓上。時及二更。欲見西北角。相樓。走出一年少女郎。身衣紅襖。面如傅粉。秀曼嬌姿。形容嫵媚。前有俊童引路。手執燭。帶紅鬚。帽約十二歲。此時沈心已模糊。忽思吸茗。其童執燈。隨到樓下。呷茶。俄又欲小便。及遺矢。俊童兩次照行。似醒如夢。恍惚不能自主。至三更後。幼童先去。少女漸覺近身。金蓮移動。玉體相親。沈兩手亂推。口不能言。竟夕難寐。神思已倦。不覺雞鳴。天色既明。身已墜在床下矣。次日以此事告同人。答云。汝昨宵果下樓三次。繞知是狐。後同伴亦於傍晚見之。此樓不敢再睡。

宵來贏得夢魂安。肯戀浮生半向靴。記取脚跟牢着好。下樓容易上樓難。

智慧星

同里顧慕韓先生。為諸生時。夜獨坐書齋。呼燈未至。忽見壁上有光。圓如璧。月皎似明星。顧盼之間。閃爍不停。俄而移去。退步。顧以所見告人。渠伯叔示云。此乃智慧星也。若見光輝。移時以口吸之。文思大進。不啻啖金丹。矣。然顧君果於嘉慶丁丑科。